

ԱՐԱԳԱԾՈՏՆԻ ՄԱՐԶԻ ԿԱՔԱՎԱԶՈՐԻ
Մ. ՄԻԻԹԱՐՅԱՆԻ ԱՆՎԱՆ ՄԻՋՆԱԿԱՐԳ ԴՊՐՈՑ ՊՈԱԿ

ԶԱՐԳԱՑՄԱՆ ԾՐԱԳԻՐ

2023_2028 ԹՎԱԿԱՆՆԵՐԻ

ՏՆՕՐԵՆԻ ՊԱՇՏՈՆԻ ՀԱՎԱԿՆՈՐԴ՝

ԷՍԻՆ ՌԱԶՄԻԿԻ ՄԻՆԱՍՅԱՆ

ԿԱՔԱՎԱԶՈՐ 2023

ՆԵՐԱԾՈՒԹՅՈՒՆ

Դպրոցի զարգացման ծրագիրը հանրակրթական ուսումնական հաստատության կարևորագույն ռազմավարական փաստաթուղթ է: Դպրոցի զարգացման ծրագիրը (այսուհետ ԴԶԾ) կարևոր նշանակություն պետք է ունենա դպրոցի տնօրենի հավակնորդի ընտրության հարցում, քանզի այն արտացոլում է յուրաքանչյուր հավակնորդի՝ տվյալ դպրոցի առնվազն 5 տարվա տեսլականը:

Դպրոցի զարգացման ծրագրի հիման վրա պլանավորվում է աշխատանքը դպրոցում:

ԴԶԾ-ն էապես տարբերվում է դպրոցի ավանդական աշխատանքային պլանից: Եթե դպրոցի աշխատանքային պլանում հիմնականում ուշադրություն է դարձվում դպրոցի ընթացիկ խնդիրների լուծմանը, ապա զարգացման ծրագիրը հանդես է գալիս որպես դպրոցի ռազմավարական պլանավորում, որն ավելի շատ նպատակաուղղված է դեպի ապագան և պետք է ունենա նորարարական ուղղվածություն:

ԴԶԾ-ն մշակելիս ցանկալի է առաջնորդվել հետևյալ փոխկապակցված քայլերի հաջորդականությամբ՝

ԲՈՎԱՆԴԱԿՈՒԹՅՈՒՆ

1. Դպրոցի առաքելությունը

1) Ներկայացնել դպրոցի այն տեսակի հեռապատկերը, որին ձգտում է հասնել տվյալ հասատությունը:

2) Ինչ կրթական կարիքներ է բավարարելու ծրագրի առաքելությունը և ինչ ռեսուրսներ են անհրաժեշտ ծրագրի իրականացման համար:

3) այդ ամենը իրատեսական դարձնելու ուղիները:

2. Դպրոցի մասին ընդհանուր տեղեկություններ:

1) Դպրոցի շենքի կառուցվածքը և առկա վիճակը:

2) Հաստատության շենքային պայմանները, նյութատեխնիկական բազան, ուժեղ և թույլ կողմերը:

3. Դպրոցի նախորդ տարիների գործունեության վերլուծություն:

1) Դպրոցի ֆինանսատնտեսական գործունեությունը, ուժեղ և թույլ կողմերը:

2) Գործունեությունը կանոնակարգող իրավական ակտերը, ուժեղ և թույլ կողմերը:

3) Կառավարման և խորհրդակցական մարմինները, ուժեղ և թույլ կողմերը:

4) Աշակերտական և մանկավարժական համակազմերը, ուժեղ և թույլ կողմերը:

5) Համագործակցությունը համայնքի, կրթության կառավարման մարմինների և շահառու կազմակերպությունների հետ, ուժեղ և թույլ կողմերը:

6) Ուսումնական միջավայրը, ուժեղ և թույլ կողմերը:

7) Հասանելիության ապահովումը կրթության առանձնահատուկ պայմանների կարիք ունեցող (ԿԱՊԿՈՒ) անձանց համար, ուժեղ և թույլ կողմերը:

8) Կրթության որակն՝ ըստ սովորողների ուսումնառության արդյունքների, ուժեղ և թույլ կողմերը:

4. Գործունեության ոլորտների և նրանցում առկա հիմնախնդիրների վերլուծության արդյունքում սահմանել կոնկրետ նպատակներ:

5. Յուրաքանչյուր նպատակի համար սահմանել այն խնդիրները, որոնց լուծման արդյունքում կարելի է հասնել այդ նպատակին:

6. Սահմանված նպատակներին և խնդիրներին համապատասխան գործողությունը կատարողները, ժամանակացույցը և հնարավոր ֆինանսական ծախսերը:

7. Ծրագրի իրականացման ռիսկերը:

8. Ակնկալվող արդյունքները:

9. Ծրագրի գնահատման ցուցանիշները, վերահսկողությունը:

10. Եզրափակում

ՆԱԽԱԲԱՆ

Ժամանակակից աշխարհում, գրեթե բոլոր ոլորտներում, փոփոխություններն աննախադեպ արագ և դինամիկ են ընթանում: Շարունակաբար նորացվող, զարգացվող և փոփոխվող գիտելիքը, դրա ստեղծման համար անհրաժեշտ նորարարությունն ու ստեղծագործությունը դառնում են մրցունակության և արդյունավետության բարձրացման կարևորագույն գործոններ՝ թե՛ անհատական, թե՛ ներպետական և թե՛ համաշխարհային մակարդակներում:

Գիտելիքն այսօր այլևս լոկալ բնույթ չի կրում, ցանցերի և հեռահաղորդակցման դարաշրջանում աշխարհի որևէ ծայրում ստեղծված գիտելիքն արագորեն տեղայնացվում է երկրի մեկ այլ անկյունում: Արդիական են դառնում S2S- ների միջոցով միմյանց և աշխարհի հետ ցանցավորված անհատների և թիմերի աշխատանքը, որոնք ստեղծագործաբար են մոտենում կյանքի առաջադրած խնդիրներին ու պատրաստ են շարունակաբար սովորելու:

Այս ամենին հասնելու հիմնական ճանապարհը դպրոցական կրթությունն է, որի ձևերն ու բովանդակությունը փոփոխվում են՝ արձագանքելով գիտելիքի փոխանցման և տարածման արագընթաց տեմպերին և պահանջներին:

Հզոր պետության, ամուր ընտանիքի, առողջ հասարակության, բանիմաց, ազգանվեր, համամարդկային արժեքներով օժտված անհատի ձևավորման հիմքը դպրոցն է: Կրթված և ճիշտ դաստիարակված սերունդը լավագույն զենքն է, պետության անվտանգության լավագույն երաշխիքը՝ ցանկացած պայքարում:

1 ԴՊՐՈՑԻ ԱՌԱՔԵԼՈՒԹՅՈՒՆԸ

1.1 Գիտակ, կարողունակ, զարգացած և հայրենասեր քաղաքացու ձևավորումը դպրոցի հիմնական առաքելություններից է:

Հետևաբար, մեր դպրոցի առաքելությունն է՝

1. Յուրաքանչյուր սովորողի ապահովել որակյալ կրթությամբ և հիմնարար գիտելիքներով:
2. Կրթական նոր տեխնոլոգիաների ներդրման, նոր ձևաչափերի իրականացման անհրաժեշտ պայմանների ձևավորում:
3. Հաղորդակցվելու և ինքնուրույն գործունեություն ծավալելու կարողությունների զարգացում:
4. Սովորողներին տրամադրել բազմակողմանի կրթություն, որը հնարավորություն կընձեռի մասնագիտական կողմնորոշման հարցում՝ ուսումը շարունակելու երկրում և երկրից դուրս:
5. Ձևավորել և դաստիարակել անհատ, ով կարժևորի ընկերությունը, ընտանիքը, համայնքը, հայրենիքը, կունենա ազգային մտածողություն և գաղափարախոսության որակներ:
6. Ամրապնդել սովորողի սերը և հարգանքը իր նախնիների ժառանգության և մշակույթի նկատմամբ:
7. Ստեղծել հասանելի պայմաններ բոլոր սովորողների համար՝ անկախ ազգությունից, սոցիալական վիճակից և մտավոր կարողություններից (այդ թվում ԿԱՊԿՈՒ երեխաների):
8. Առանձնահատուկ ուշադրություն դարձնել օժտված, ընդունակ կամ որևէ բնագավառում աչքի ընկած սովորողին, տալ խրախուսում, գնահատել նրա նախասիրությունները, ընդգրկել խմբակներում, որպեսզի խթան հանդիսանա մյուս սովորողների համար:

Ուստի առաքելության

նպատակն է ստեղծել միջավայր, որն ազատ է հոգեբանական բռնության դրսևորումներից և այդ առողջ մթնոլորտում կրթել և ձևավորել համամարդկային արժեքներով, բազմակողմանիորեն զարգացած, հայրենասեր, ազգային արժեքներ կրող, գեղեցիկը և բարին գնահատող, կարողունակ և խելացի անհատներ:

1.2 Ի՞նչ կրթական կարիքներ է բավարարելու դպրոցի առաքելությունը:

Առողջ բարոյահոգեբանական մթնոլորտում ճիշտ ուսումնառության արդյունավետ կազմակերպման միջոցով ձևավորել՝ բանիմաց, բազմակողմանիորեն զարգացած, մասնագիտորեն կողմնորոշված, հայրենասեր, ազգային և համամարդկային արժեքներով օժտված քաղաքացի, ձևավորված անհատականություն, ով կգիտակցի իր դերը շրջապատի, հայրենիքի հանդեպ:

1.3 Ծրագրի իրականացման համար ի՞նչ ռեսուրսներ են անհրաժեշտ

Ծրագրի իրականացման համար անհրաժեշտ են մարդկային, նյութատեխնիկական և ֆինանսական ռեսուրսներ:

Մարդկային ռեսուրսներ

- կառավարման և խորհրդակցական մարմիններ
- Ուսուցչական և աշակերտական համակազմ

Նյութատեխնիկական բազա

- Ժամանակակից սարքավորումների և համակարգչային տեխնիկայի ձեռք բերում
- Դասապրոցեսում էլեկտրոնային կրթական ռեսուրսների կիրառման ընդլայնում

Ֆինանսական ռեսուրսներ

- Պետական բյուջե, Դրամաշնորհներ , Արտադպրոցական դաստիարակության կազմակերպում

Առաքելությունն իրականացնելու գրավականներն են՝

- Իրենց գործին գիտակ մանկավարժական թիմ. պատրաստ միմյանց աջակցելու, ինքնակրթվելու և կրթելու:
- Մանկավարժական համակազմի բարելավմանն ուղղված միջոցառումներ՝ վերապատրաստումներ, սեմինարներ, կամավոր ասեստավորում և այդ ամենի կիրառումը գործնական աշխատանքում:
- Կրթության կազմակերպման առողջ և շարունակական միջավայրի բարելավում:
- Լրիվ և ամբողջական ներառական կրթության կիրառում:
- Դպրոցի ակտիվ ներգրավվածությունը և սովորողների մասնակցությունը սոցիալ – մշակութային միջոցառումների, օլիմպիադաների, մրցույթների, արտադասարանական միջոցառումների:
- Նախագծային ուսուցման կիրառում և խմբակների ստեղծում:

2. ԴՊՐՈՑԻ ՄԱՍԻՆ ԸՆԴՀԱՆՈՒՐ ՏԵՂԵԿՈՒԹՅՈՒՆՆԵՐ

Դպրոցի հիմնադիրը Հայաստանի Հանրապետությունն է՝ ի դեմս կառավարության (այսուհետ հիմնադիր):

Դպրոցը հիմնադրվել է 1970թ-ին, կոչվել է Կաքավաձորի միջնակարգ դպրոց:

2004թ-ին անվանակոչվել է Արցախյան պատերազմում զոհված Մեսրոպ Մխիթարյանի անունով:

Հաստատության անվանումը << ՀՀ Արագածոտնի մարզի Կաքավաձորի Մ. Մխիթարյանի անվան միջնակարգ դպրոց >>ՊՈԱԿ:

Հաստատության հասցեն՝ ՀՀ Արագածոտնի մարզ գյուղ Կաքավաձոր 1-ին փողոց 45 /2 :

Հաստատությունը գործունեության ընթացքում ղեկավարվում է ՀՀ օրենսդրությամբ և դպրոցի կանոնադրությամբ՝ հաստատված 03.11. 2017թ:

Դպրոցն ունի ՀՀ զինանշանի պատկերով հայերեն անվամբ կլոր կնիք, ձևաթղթեր:Կնիքը, ձևաթղթերը և անհատակ այլ միջոցներ ձևավորելիս հայերենին կարող է զուգակցվել անգլերենը և ռուսերենը:Դպրոցն ունի ինքնուրույն հաշվեկշիռ և բանկային հաշիվ:

ՀՀ Արագածոտնի մարզի <<Կաքավաձորի Մ. Մխիթարյանի անվան միջնակարգ դպրոց>> ոչ առևտրային կազմակերպությունը շահույթ ստանալու նպատակ

չհետապնդող իրավաբանական անձի կարգավիճակ ունեցող ուսումնական հաստատություն է:

Դպրոցը կառուցվել է 1970 թվականին, տուֆակերտ քարե շենք է:

Դպրոցի մակերեսը՝ 2020մ², դպրոցամերձ հողամասի մակերեսը կազմում է 1.34հա,

Շենքի նախագծային հզորությունը 320 աշակերտ:

Դպրոցում աշխատում է 28 մանկավարժ, որից 2-ը վարչական՝ 1 զինղեկ, 1 ԴԱԿ:

1 սոց. մանկավարժ, 1 հոգեբան, 1 դաստիարակ, 21 ուսուցիչ: Մանկավարժներից 25-ը ունեն բարձրագույն կրթություն, 3-ը՝ միջին մասնագիտական:

Մանկավարժական խորհուրդը կազմված է 28 անդամներից, ուսումնաօժանդակ անձնակազմը՝ 5 աշխատակցից:

Դպրոցի աշակերտների թիվը 2023- 2024 ուստարում 137 է:

Դպրոցն ունի նախակրթարան, որը հիմնադրվել է 2013թ-ին, 2023-2024 ուստարում նախակրթարան է ընդունվել 11 սան: Նախակրթարանը վերանորոգվել է 2013թ-ին և ապահովված է համապատասխան գույքով, նյութական բազայով:

Դպրոցն ունի Միացյալ կառավարման խորհուրդ, Մանկավարժական խորհուրդ, Աշակերտական խորհուրդ, Ծնողական խորհուրդ, Հոգաբարձուների խորհուրդ:

Դպրոցը գործում է միահերթ և հնգօրյա աշխատանքային ռեժիմով:

Դպրոցն իրականացնում է տարրական, հիմնական և միջնակարգ հանրակրթական ծրագրեր: Սահմանային թիվը տարրական դպրոցում՝ 39, հիմնական՝ 58, միջնակարգ՝ 40(ընդհանուր՝ 137)աշակերտ:

2.1 ԴՊՐՈՑԻ ՇԵՆՔԻ ԿԱՌՈՒՑՎԱԾՔԸ . ԱՌԿԱ ՎԻՃԱԿԸ

Շենքը երկհարկանի տուֆակերտ քարե կառույց է, կառուցվել և շահագործման է հանձնվել 1970 թ-ին, նախագծային հզորությունը 320 աշակերտի համար: Դպրոցի շենքը գտնվում է բավարար վիճակում: Տանիքը թիթեղյա է: 2020թ-ի օգոստոսին դպրոցի և մնացած օժանդակ մասնաշենքերի կտուրների վրա տեղադրվել են ձնարգելանքներ: Եվրոպատուհանները վերանորոգվում և թարմացվում է



Մուտքի, առաջին և երկրորդ հարկի բոլոր դասասենյակների դռները եվրոարտադրության են: Դպրոցն ունի պահուստային ելքեր:

Դպրոցում կա 3 սանհանգույց, որից միայն մեկն է վերանորոգված և շահագործման հանձնված, մյուս երկուսը ունեն նորոգման կարիք և չեն գործում:

Դպրոցում այս պահին գործում է 13 դասասենյակ, որից 11-ը ունեն 56մ², 2-ը՝ 28մ² մակերեսներ:

Բոլոր դասասենյակներն ապահովված են անհրաժեշտ գույքով:

Դպրոցն ունի 1 ուսուցչանոց, 1 ՆԶՊ –ի կաբինետ, 1 զենքի պահպանման սենյակ, 2 վարչական սենյակ, 1 լաբորատորիա, 1 ինֆորմատիկայի կաբինետ, 1 շախմատի սենյակ, 1 գրադարան, 1 մարզադահլիճ, 1 հանդիսությունների դահլիճ, 2 հանդերձարան, 1 ճաշարան:

Դպրոցի առաջին հարկի միջանցքը և դասասենյակները ամբողջովին վերանորոգված են: Երկրորդ հարկում վերանորոգման կարիք ունի միջանցքը, սանհանգույցը և որոշ դասասենյակներ:



ՆԶՊ- ի , զենքի պահպանման, շախմատի և ինֆորմատիկայի սենյակները գտնվում են բարվոք վիճակում, հազեցած են համապատասխան գույքով:

Լաբորատորիան ունի դիդակտիկ նյութերի և սարքավորումների կարիք:

Մարզադահլիճի հատակը վերանորոգված է, առաստաղը և պատերը ունեն վերանորոգման կարիք, կա սպորտգույքի պակաս:



Հանդիսությունների դահլիճը մասամբ վերանորոգման կարիք ունի:



2018թ-ին ՄԱԿ-ի գրասենյակի կողմից ամբողջությամբ վերանորոգվել է ճաշարանը, ապահովվել էլեկտրական սարքավորումներով: Մնացած համապատասխան գույքը տրամադրվել է դպրոցի կողմից: Ճաշարանը տաք սնունդ է տրամադրում նախակրթարանի և 1- 4- րդ դասարանների աշակերտներին:

Գրադարանն ունի վերանորոգման և անհրաժեշտ գույքի կարիք:

Դպրոցի ջեռուցումը էլեկտրական է, ջեռուցվում է մասնակի: Չեն ջեռուցվում 1-2-րդ հարկի միջանցքները, մարզադահլիճը, հանդերձարանները, գրադարանը և հանդիսությունների դահլիճը:

2020թ-ին դպրոց մտնող հոսանքը առանձին կետով, 40կվ հզորությամբ, փակ մալուխով, ստորգետնյա անցումով է անցկացվել:

2020թ-ին համայնքի կողմից դպրոցի համար անցկացվել է նոր ջրամատակարարման համակարգ:

Դպրոցն ունի ազդարարման շչակ, հակահրդեհային կրակմարիչներ:



Դպրոցն ունի բակ, ցանկապատված տարածք, դպրոցամերձ հողամաս, պտղատու այգի, գեղեցիկ և խնամված ծաղկանոց, ֆուտբոլի բացօթյա դաշտ:

2014թ-ին բակում տեղադրվել է Մեսրոպ Մխիթարյանի կիսանդրին, ում անունով էլ կոչվում է դպրոցը:

<<ԻՄՓԱՔԹ>> ակումբի երեխաների ջանքերի շնորհիվ բակում տեղադրվել են նստարաններ և աղբամաններ:

2.2 Դպրոցի շենքային պայմաններն ու նյութատեխնիկական բազան

Դպրոցի շենքի շահագործումը համապատասխանում է անվտանգ շահագործման նորմատիվներին:

Բոլոր դասասենյակները բավարար չափով կահավորված են:



Դպրոցը բավարար չափով ապահովված է նյութատեխնիկական բազայով:



ԴՊՐՈՑԻ ՈՒԺԵՂ և ԹՈՒՅԼ ԿՈՂՄԵՐԸ

Ուժեղ կողմ	Թույլ կողմ
<ul style="list-style-type: none"> • Հանդիսությունների դահլիճ • Մարզադահլիճ • Բացօթյա սպորտհրապարակ • Դպրոցամերձ այգի • Ցանկապատված հողատարածք • Համակարգչային դասասենյակ • Ճաշարան • Ստորգետնյա առանձին հոսանքի գիծ • Ազդարարման համակարգ • Տանիքում տեղադրված ձնարգելանքներ • Պահուստային ելքեր • ՆԶՊ – ի և զենքի պահպանման սենյակ, որն ունի մետաղյա ճաղավանդակ և ապահովված է լուսային, ձայնային ազդանշանային համակարգով • Ընդարձակ և լուսավոր դասասենյակներ 	<ul style="list-style-type: none"> • Ապաստարանի բացակայություն • Վերանորոգման և գույքի կարիք ունեցող դասասենյակներ, լաբորատորիաներ • Շենքը հարմարեցված չէ ԿԱՊԿՈւ սովորողների անվտանգ տեղաշարժի համար • Լաբորատորիայի նյութատեխնիկական բազայի բացակայություն • Սանհանգույցի պակաս

3. Դպրոցի նախորդ տարիների գործունեության վերլուծություն

Դպրոցի զարգացման ծրագրում իրատեսական նպատակներ և խնդիրներ սահմանելու համար անհրաժեշտ է վերլուծել առկա իրավիճակը: Բացահայտել ուժեղ և թույլ կողմերը, վերհանել առկա հիմնախնդիրները:

Իրավիճակի վերլուծությունը համակարգված իրականացնելու համար նպատակահարմար է այն կատարել ըստ ոլորտների:

ոլորտ	Իրականացված աշխատանք
-------	----------------------

<p>դպրոցի շենքային պայմանները</p>	<ul style="list-style-type: none"> • Փոխվել են մուտքի և դասասենյակների դռները • Ամբողջությամբ վերանորոգվել է առաջին հարկը(դասասենյակները, միջանցքը, սանհանգույցը) • Դասասենյակների համար ձեռք է բերվել որոշակի գույք • <<Տաք սնունդ>> ծրագրի շրջանակում հիմնվել և վերանորոգվել է ճաշարանը: • Հիմնվել է դպրոցամերձ պտղատու այգի • Դպրոցամերձ հողատարածքը ցանկապատվել է • Տանիքում տեղադրվել են ձնարգելանքներ • Անցկացվել է առանձին հոսանքի գիծ • Ջրամատակարարման նոր ցանց է անցկացվել
<p>Նյութատեխնիկական բազա</p>	<p>Վերջին տարիներին դպրոցը ձեռք է բերել</p> <ul style="list-style-type: none"> • 6 համակարգիչ • 1 պրոյեկտոր • 4 բազմաֆունկցիոնալ տպիչ • 1 3D տպիչ • 1 ոտբոս
<p>Մանկավարժական համակազմի ձեռքբերումները</p>	<ul style="list-style-type: none"> • Բոլոր ուսուցիչներն ունեն բարձրագույն կրթություն, բացի 3-ից: Ուսուցիչների մեծամասնությունը, համաձայն կարգի, մասնակցել են համապատասխան վերապատրաստումների և ատեստավորված են: • 1 ուսուցիչ ունի առաջին տարրակարգ • Ուսուցիչներից մեկն արժանացել է <<Տարվա լավագույն ուսուցիչ>> մրցանակին: • Մեկ ուսուցիչ հաղթահարել է կամավոր ատեստավորման շեմը, իսկ 5-ը նախապատրաստվում են մասնակցելու:

<p>Աջակցություն մանկավարժներին</p>	<ul style="list-style-type: none"> • Մեթոդական ուղեցույցների տրամադրում • Էլեկտրոնային հարթակներից օգտվելու հնարավորություն • ՏՀՏ կարողությունների և հմտությունների զարգացում • Մեմինարների, վեբինարների, վերապատրաստումների մասնակցություն • Դասավանդման նոր մեթոդների, ուսուցման նոր ձևերի մշակում
<p>Խորհրդակցական մարմիններ</p>	<ul style="list-style-type: none"> • Դպրոցում ակտիվ գործում են միացյալ, մանկավարժական, ծնողական, աշակերտական և հոգեբարձուների խորհուրդները, որոնց գործառույթները ամրագրված են դպրոցի կանոնադրության մեջ: • Բոլոր խորհուրդները սերտ համագործակցում են միմյանց հետ: • Կազմակերպում են ժողովներ, հանդես են գալիս առաջարկություններով և նախաձեռնություններով, կայացնում են որոշումներ: • ԱԽ-ի կողմից կազմակերպվում են միջոցառումներ, շաբաթօրյակներ: • ԾԽ-ի կողմից որոշում է կայացվել սոցիալապես անապահով ընտանիքների երեխաների դասագիքերի գումարը զեղչել: • ԾԽ-ի կողմից կատարվում է վերահսկողություն և աջակցություն << Տար սնունդ >> ծրագրի շրջանակներում : • Կազմակերպվել են ճանաչողական էքսկուրսիաներ
<p>Դպրոցի մշակութային և ուսումնադաստիարակչական գործունեություն</p>	<p>Դպրոցում կազմակերպվում են բազմաթիվ արտադասարանական, արտադպրոցական, մշակութային, ուսումնադաստիարակչական և թեմատիկ բնույթի միջոցառումներ՝ տոներ, գրական-երաժշտական ցերեկույթներ, հիշատակի և խոնարհման միջոցառումներ:</p> <p>Հ. Լեզվի ուսուցիչների կողմից կազմակերպվում են <<Փրկենք բարբառը >> խորագրով միջոցառումներ և նախագծային աշխատանքներ</p>

<p>Մասնակցություն մարզային և հանրապետական մրցույթների և մրցաշարերի</p>	<ul style="list-style-type: none"> • Մովորողներն ակտիվ մասնակցություն են ցուցաբերել <<ԱՅԲ>> հիմնադրամի կողմից կազմակերպված <<Կենդուրու>>, <<Մեղու>> մրցույթներին, արժանացել հատուկ և լավագույն մրցանակների: • Մասնակցել են նաև առարկայական օլիմպիադաներին: • 2021թվականից Կաքաքաձորի Մ.Մխիթարյանի անվան միջնակարգ դպրոցում գործում է 6- 13 տարեկան «Կաքավաձորի աղջիկներ» ֆուտբոլային ակումբը, որը նաև մասն է կազմում «Ախթամար» աղջիկների ֆուտբոլի ակադեմիայի: Թիմը այս տարիների ընթացքում հանդես է եկել ԿՄ10, ԿՄ12, իսկ այս տարի հանդես կգա ԿՄ13 մանկապատանեկան առաջնությունում, որը կազմակերպում է ՀՖՖն: Դպրոցում ունենք նաև ֆուտբոլի ստուհիներ, ուլքեր խաղում են ՀՖՖ ֆուտբոլի առաջնության առաջին խմբում : Աշակերտները նաև ակտիվ մասնակցում են սպորտլանդիաներին և սպարտակիադաներին լավագույնս ներկայացնում դպրոցը: Ունեն մեդալներ, շնորհակալագրեր, պատվոգրեր և գավաթ:
--	---

3.1.ԴՊՐՈՑԻ ՖԻՆԱՆՍԱՏՆՏԵՍԱԿԱՆ ԳՈՐԾՈՒՆԵՈՒԹՅՈՒՆԸ

- Դպրոցի հիմնական ֆինանսավորման աղբյուրը պետական բյուջեն է :
- Դպրոցի ֆինանսատնտեսական գործունեությունը հստակ և թափանցիկ է:
- Դպրոցի բյուջեի ծախսերն ունեն հետևյալ հիմնական ուղղությունները:
- Աշխատավարձ և դրան հավասարեցված վճարումներ
 - Կոմունալ վճարումներ
 - Գույքի և սարքավորումների ձեռքբերման ծախսեր
 - Գրասենյակային և տնտեսական ապրանքների ծախսեր

Ֆինանսական հաշվետվությունները և նախահաշիվը տեղադրվում են դպրոցի և մարզպետարանի կայքէջերում:

Ֆինանսական ցուցանիշների վերլուծությունը ցույց է տալիս, որ տարեկան բյուջեի միջոցները հիմնականում բավարարում են աշխատավարձին և կոմունալ ծախսերին:

Բյուջեի բարեխիղճ կառավարման արդյունքում, դպրոցը ձեռք է բերել գույք և սարքավորումներ:

2023 թ-ի սեպտեմբերից դպրոցի մանկավարժական աշխատողների դրույքաչափի փոփոխություն է կատարվել՝

1-ին տարրակարգ- 114400 դրամի փոխարեն՝ 119.800դրամ

2-րդ տարրակարգ- 116600 դրամի փոխարեն՝ 120.000 դրամ

3-րդ տարրակարգ- 118800 դրամի փոխարեն՝ 120.200 դրամ

Նոր կարգի համաձայն դպրոցի բյուջեի ֆինանսավորումը կատարվում է դասարանների թվով պայմանավորված:

2023թ-ի հունվարից ուսումնաօժանդակ անձնակազմի աշխատավարձը դարձել է 95625 դրամ:

Ուժեղ կողմ	Թույլ կողմ
<ol style="list-style-type: none"> 1. Պետական բյուջեից ստացվող ֆինանսական միջոցների կայուն և ժամանակին փոխանցումները: 2. Ֆինանսական միջոցների արդյունավետ կառավարումը և օգտագործումը: 	<p>Պետական բյուջեից դպրոցի զարգացմանն ուղղված ծրագրերի կազմման ֆինանսավորման անբավարար ծավալը:</p>

3.2 ԴՊՐՈՑԻ ԳՈՐԾՈՒՆԵՈՒԹՅՈՒՆԸ ԿԱՆՈՆԱԿԱՐԳՈՂ

ԻՐԱՎԱԿԱՆ ԱԿՏԵՐ

Դպրոցի գործունեությունը կանոնակարգվում է հետևյալ իրավական ակտերով՝ <<Կրթության մասին>>, << Պետական ոչ առևտրային կազմակերպությունների մասին>> ՀՀ օրենքներով, <<ՀՀ աշխատանքային օրենսգրքով>>, դպրոցի

կանոնադրությամբ, օրինակելի իրավական ակտերի տեղայնացված տարբերակներով, ներքին իրավական ակտերով, նորմատիվ փաստաթղթերով: Դպրոցին վերաբերող բոլոր նորմատիվային փաստաթղթերի վարումը իրականացվում է սահմանված կարգով: Դպրոցի գործունեության փաստաթղթերի թղթային ձևաչափից աստիճանաբար անցում է կատարվում էլեկտրոնայինի:

Ուժեղ կողմ	Թույլ կողմ
<ol style="list-style-type: none"> 1. Պարտադիր գործածության բոլոր անհրաժեշտ փաստաթղթերը, լրացվում են սահմանված կարգով: 2. ԿԳՄՄՆ-ի կողմից հաստատված պարտադիր գործածության օրինակելի փաստաթղթերը համապատասխանեցված են դպրոցի կառուցվածքային առանձնահատկություններին և կանոնակարգվում են կանոնադրության համաձայն: 3. Լիցենզիայի առկայություն կրթական երեք աստիճանում: 4. Նախակրթարանի լիցենզիայի առկայություն: 	<p>Օրինակելի իրավական ակտերում փոփոխություններ անելիս ուսուցիչների պասիվ մասնակցություն:</p>

3.3 Կառավարման և խորհրդակցական մարմիններ

Հանրակրթական դպրոցում կրթական գործունեության արդյունավետ կազմակերպման, ինչպես նաև զարգացման ծրագրերին աջակցելու և համայնքի հետ արդյունավետ համագործակցություն ապահովելու նպատակով ձևավորվում են կառավարման և խորհրդակցական մարմիններ՝ կառավարման միացյալ խորհուրդ, մանկավարժական խորհուրդ, ծնողական խորհուրդ, աշակերտական խորհուրդ, հոգաբարձուների խորհուրդ:

Այս մարմինները սերտորեն համագործակցում են միմյանց հետ, առաջնորդվում են իրենց հստակ կանոնադրությամբ, նրանց գործունեությունը բաց է և թափանցիկ:

Միացյալ կառավարման խորհուրդը հաստատում է ուսումնական հաստատության կանոնները և քննարկում ուսումնական հաստատության ֆինանսատնտեսական և ուսումնադաստիարակչական գործունեության հաշվետվությունները:

Մանկավարժական խորհուրդը բարեխղճորեն կատարում է իրեն վերապահված գործառույթները, հիմնականում նիստերը կայանում են բոլոր անդամների մասնակցությամբ:

ԱԽ-ն ակտիվ է, ըստ կանոնադրության պարտաճանաչորեն գումարում են նիստերը հստակ օրակարգերով:

Ծնողական խորհուրդը մշտապես իրազեկ և ներգրավված է դպրոցի ուսումնադաստիարակչական աշխատանքներում:

Հոգաբարձուների խորհուրդը նույնպես պատշաճ կերպով կատարում է իր գործառույթները:

Հիմնախնդիրը այստեղ կայանում է նրանում, որ խորհուրդները ունենան իրական ինքնավարություն, ազատ լինեն իրենց գործողություններում՝ պահպանելով իրենց իրավունքներն ու պարտականությունները:

Ուժեղ կողմ	Թույլ կողմ
<ol style="list-style-type: none"> 1. Հաստատության գործունեության թափանցիկություն: 2. Ծնողական խորհրդի աջակցությունը ուսումնադաստիարակչական աշխատանքներին: 3. Կառավարման միացյալ խորհրդի և խորհրդակցական մարմինների սերտ համագործակցություն, դպրոցամետ գործունեություն՝ իրենց վերապահված գործառույթների շրջանակում: 	<ol style="list-style-type: none"> 1. Ծնողների կողմից դասալսումներ չիրականացնել: 2. Ծնողական խորհրդի պասիվ մասնակցությունը ԿԱՊԿՈՒ աշակերտների ինտեգրման գործընթացին: 3. Համագործակցության, նախաձեռնությունների պասիվություն:

3.4 Աշակերտական համակազմը

2023 թվականի սեպտեմբերի դրությամբ՝ դպրոցում սովորում է 137 աշակերտ, որից տարրական 39 աշակերտ, հիմնական 58, միջնակարգ 40: 2023 թվականին ունեցել ենք 20 գերազանցիկ աշակերտ, ունենք ԿԱՊԿՈՒ 2 աշակերտ միջին ծանրության: Հանրակրթությունից դուրս մնացած և տնային ուսուցում իրականացնող աշակերտ չկա:

Դասարանների թիվը	2020-2021 ուսումնական տարի	2021-2022 ուսումնական տարի	2022-2023 ուսումնական տարի	2023-2024 ուսումնական տարի	Փոփոխությունների դինամիկա
1-ին դասարան	8	8	12	11	Աճ
2-րդ դասարան	12	8	7	14	Աճ
3-րդ դասարան	12	11	7	7	Նվազում
4-րդ դասարան	7	11	11	7	Նվազում
5-րդ դասարան	13	7	12	12	Նվազում
6-րդ դասարան	17	13	6	12	Աճ
7-րդ դասարան	14	17	11	7	Նվազում
8-րդ դասարան	13	14	16	11	Նվազում
9-րդ դասարան	13	13	14	16	Աճ
10-րդ դասարան	10	13	13	14	Աճ
11-րդ դասարան	12	10	13	13	Աճ
12-րդ դասարան	10	11	10	13	Աճ
Ընդհանուր	141	136	132	137	Աճ

Սերտ և ամուր է աշակերտ – դպրոց – ուսուցիչ կապը, ինչը փաստում է որ մեր սաները սիրում են դպրոցն ու կրթությունը: Շրջանավարտները միշտ կապի մեջ են դպրոցի, իրենց ուսուցիչների հետ : 2023 թվականին բարձրագույն ուսումնական հաստատության ընդունվողների թիվը 4-ն է:

Ուժեղ կողմ	Թույլ կողմ
------------	------------

<p>Գիտելիքների ստուգում, ավարտական քննությունների արդյունքների վերլուծություն Ակտիվ մասնակցությունը ստեղծագործական, արտադասարանական, սպորտային մրցույթներին և միջոցառումներին: ԲՈՒՀ ընդունվողների բարձր ցուցանիշ: Անհարգելի բացակայությունների ցածր ցուցանիշ: Սովորողների թվի աճ</p>	<p>Թույլ կարողությունների տեր աշակերտներ Տղաների շրջանում կրթության նկատմամբ հետաքրքրվածության պակաս: Ռեզուլտային հաստատություններ դիմորդների պակաս: Սովորողների բջջային հեռախոսներից կախվածության բացասական հետևանքներ: Մրցակցային մտածելակերպ:</p>
--	--

3.5 Մանկավարժական համակազմը

Դպրոցում աշխատում են բարձրագույն կրթությամբ, փորձառու, հմուտ, բարեխիղճ մանկավարժներ:Գրեթե բոլորն ունեն 5 և ավելի տարվա փորձ:

2020թ-ին, համավարակի պայմաններում, ուսուցիչները հեռավար ուսուցման ժամանակ իրենց կարողությունները բարելավեցին ՏՀՏ դաշտում:

Ուսուցման գործընթացում կիրառում են ժամանակակից մեթոդներ և հնարքներ, ՏՀՏ գործիքներ, որոնք դասն ավելի հետաքրքիր ու արդյունավետ են դարձնում:


Դպրոցում գործում են Հ. Լեզվի, տարրական, ԲՏՃՄ առարկաների մեթոդախմբումներն՝ ըստ իրենց գործառնությունների: Կազմակերպվում են մ/մ նիստեր, բաց դասեր, փոխադարձ դասալուսումներ, վիկտորինաներ, միջոցառումներ, փորձի փոխանակում, մեթոդական զեկուցումների ընթերցում և քննարկում:

Բոլոր ուսուցիչները տիրապետում են գնահատման նոր ձևերին ու չափորոշիչներին:

Ուժեղ կողմ	Թույլ կողմ
<ul style="list-style-type: none"> Պատասխանատու և փորձառու մանկավարժներ Համապատասխան որակավորում և բարձրագույն կրթությամբ կադրեր: Տարրակարգ ունեցող ուսուցիչ 	<ul style="list-style-type: none"> Երիտասարդ կադրերի պակաս Տարեց ուսուցիչների թիվը գերակշիռ մասն է կազմում և մի մասը լավ չեն տիրապետում ՏՀՏ գործիքներին:

- Կամավոր ատեստավորման շեմը հաղթահարած 1 ուսուցիչ
- Կամավոր ատեստավորմանը նախապատրաստվող 5 ուսուցիչ
- ՀՀ նախագահի կողմից «Լավագույն ուսուցիչ» մրցանակին արժանացած 1 ուսուցիչ:
- Մ/Մ համագործակցված աշխատանք

Ուսուցիչների թիվն ըստ տարիքային բաշխվածության	2020- 2021թ	2021- 2022թ	2022-2023	2023-2024
ընդհանուր	27	27	27	28
Մինչև 30 տարեկան	3	3	2	2
30- 40 տարեկան	4	4	4	4
41- 50 տարեկան	5	6	6	6
50- 55 տարեկան	6	4	4	4
56 տարեկան և ավելի	9	10	11	12



Համագործակցությունը համայնքի , կրթության կառավարման մարմինների և շահառու կազմակերպությունների հետ:

Համագործակցության, փորձի փոխանակման , քննարկումների արդյունքում է ձևավորվում արդյունավետ աշխատանքն ու վերջնարդյունքը: Կաքավաձորի Մեսրոպ Միսիթարյանի անվան դպրոցը համագործակցում է Արագածոտնի մարզպետարանի, ԿԳՄՄՆ, ԳԹԿ-ի, ԿՏԱԿ-ի, ԿԶՆԱԿ-ի, ՏՄԱԿ-ի, << ԱՅԲ հիմնադրամի>>, ԱԻՆ-ի, ոստիկանության, ամբուլատորիայի, զինկոմիսարիատի, համայնքապետարանի, World Vision կազմակերպության և այլ ուսումնական հաստատությունների հետ:

ՈՒԺԵՂ ԿՈՂՄ	ԹՈՒՅԼ ԿՈՂՄ
<ul style="list-style-type: none"> . Մշտական համագործակցություն համայնքի հետ: . Ակտիվ մասնակցություն մշակութային կյանքին: . Տարհանման պլանների առկայություն (ՔՊ, ԱՌՆ): . Հաճախակի սեմինարներ և հանդիպումներ ԱԻՆ-ի և ոստիկանության աշխատակիցների հետ: . Ստուգումներ համայնքի բուժկետի աշխատակցի կողմից: 	<ul style="list-style-type: none"> . Փոխադարձ համագործակցությունների համար ֆինանսների բացակայություն: . Տարհանման (ՔՊ, ԱՌՆ) պլանների կիրառության ժամանակ համայնքի պասիվ մասնակցություն: . Արվեստագետների և մշակութային գործիչների այցելություն:

Ուսումնական միջավայրը

2023-2028թթ. զարգացման ծրագրում պլանավորված են քայլեր, որոնք ուղղված են բարելավելու և ամբողջացնելու դպրոցի ուսումնական միջավայրը: Ուսումնական միջավայրը հատուկ կազմակերպված հնարավորությունների, գործընթացների և սոցիալական փոխազդեցության համակարգ է, որը տրամադրում է սովորողին ուսուցման և անձնային-մասնագիտական զարգացման համար անհրաժեշտ ռեսուրսներ:

Շատ կարևոր է ունենալ հարմարավետ, հրապուրիչ, խրախուսող ուսումնական միջավայր: Կարևոր է նաև առողջ բարոյահոգեբանական մթնոլորտ, սովորողների առողջության պահպանում, բացակայությունների վերահսկում, սանիտարահիգիենիկ կանոնների և միջոցառումների պահպանում: Ուսումնական միջավայրը ճիշտ կանոնակարգելու

գրավականներից է նաև դասասենյակների և առարկայական կաբինետների, դասագրքերի և այլ գրականության, սարքավորումների առկայությունը:

ՈՒԺԵՂ ԿՈՂՄ	ԹՈՒՅԼ ԿՈՂՄ
<ul style="list-style-type: none"> . Ժողովրդական կառավարում . Ստեղծարար մշակույթային և բարոյահոգեբանական ճիշտ մթնոլորտ: . Ներքին կարգապահական կանոնների կիրառում: . Լաբորատորիաների առկայություն: . ՆՁՊ կաբինետի և զենքի պահպանման սենյակի առկայություն: . Բաժանորդային տոմսերով այցեր մշակույթային կենտրոններ: 	<ul style="list-style-type: none"> . Կրթական կարիքները բավարարող պայմաններ: . Նյութատեխնիկական բազա: . Սպորտդահլիճի ջեռուցում, մասնակի վերանորոգում և մարզագույքի պակաս: . Արհեստանոցներ և առարկայական կաբինետներ: . Գրադարանի վերանորոգում և նյութատեխնիկական բազա: . Լաբորատոր ժամանակակից սարքավորումների բացակայություն:

ՀԱՄԱՆԵԼԻՈՒԹՅԱՆ ԱՊԱՀՈՎՈՒՄԸ ԿՐԹՈՒԹՅԱՆ ԱՌԱՆՁՆԱՀԱՏՈՒԿ ՊԱՅՄԱՆՆԵՐԻ ԿԱՐԻՔ ՈՒՆԵՑՈՂ ԱՆՁԱՆՑ ՀԱՄԱՐ

Ըստ ՀՀ <<Կրթության մասին>> օրենքի կրթության բնագավառում պետական քաղաքականության հիմքը կրթության զարգացման ծրագիրն է, որի գործողությունների շարքում կարևոր մաս են կազմում կրթության առանձնահատուկ պայմանների կարիք ունեցող երեխաները և նրանց պահանջները: ԿԱՊԿՈՒ երեխաների կրթությունը կարգավորվում է <<Կրթության մասին>>, << Առանց ծնողական խնամքի մնացած երեխաների սոցիալական պաշտպանության>>, <<Հայաստանի Հանրապետության հաշմանդամների սոցիալական պաշտպանության>> օրենքներով:

Ներառական կրթությունը ընդունում է, որ բոլոր երեխաները տարբեր են, իսկ դպրոցն ու հանրակրթական համակարգը պետք է հարմարեցնեն նրանց մտավոր, հոգեբանական և ֆիզիկական զարգացման կարիքները և անհատական պահանջները: ԿԱՊԿՈՒ յուրաքանչյուր սովորող իրավունք ունի օգտվելու հատուկ մանկավարժական, առողջապահական, հոգեբանական, սոցիալական և այլ ծառայություններից: ԿԱՊԿՈՒ երեխաների մուտքը հանրակրթական դպրոցներ դեռևս բավարար չէ կրթական համակարգը ներառված համարելու համար: Կան մի շարք խնդիրներ և նպատակներ, որոնց լուծումն ու իրականացումը միայն կարող է ապահովել արդյունավետ ներառում:

Այդ նպատակներն են՝

- հավասար հնարավորությունների ստեղծում յուրաքանչյուր երեխայի համար:
- Ապահովել նրանց զարգացման և իրացման պահանջներին համապատասխան ուսումնական, անհատական, տեխնիկական միջոցներ և սարքավորումներ:
- Մասնագիտական թիմի և նրանց գործառույթների հստակ ամրագրում, ուսուցիչների վերապատրաստման ապահովում:
- Կրթական ծրագրերի, ուսումնական նյութերի համապատասխանեցում, առարկայական դասասենյակների հարմարեցում նրանց պահանջներին:
- Կազմակերպել և իրականացնել սննդի, բժշկական սպասարկման և բուժիչ-կանխարգելիչ միջոցառումներ:
- Կազմակերպել հանդիպումներ ԿԱՊԿՈՒ երեխաների ծնողների և ուսուցիչների համար, նրանց տեղեկատվական մակարդակը բարձրացնելու և կայուն համագործակցություն ապահովելու համար:

ՈՒԺԵՂ ԿՈՂՄ	ԹՈՒՅԼ ԿՈՂՄ
<p>. Հոգեբանի առկայություն:</p> <p>. Սոց մանկավարժի առկայություն:</p> <p>. Հաճախակի այցեր և ուսուցիչների վերապատրաստում ՏՄԱԿ-ի կողմից:</p> <p>. Համայնքի բուժքրոջ հաճախակի այցելություն:</p> <p>. Ուսուցիչների և աշակերտների ջերմ և հոգատար վերաբերմունքի շնորհիվ ԿԱՊԿՈՒ երեխաների հարմարվողականությունը միջավայրին:</p> <p>. Հաշմանդամ երեխայի առկայություն, ով չունի մտավոր կարողությունների խնդիր:</p>	<p>.Շենքաին պայմանների ոչ բավարար վիճակ (թեքահարթակներ, սանհանգույց, համապատասխան գույք):</p> <p>. Ֆիզկուլտուրայի դասերի և խմբակների մասնակցության բացակայություն:</p> <p>. Հենաշարժողական խնդիր ունեցող հաշմանդամ երեխա:</p> <p>. Խելամիտ հարմարեցումների բացակայություն:</p>

ԿՐԹՈՒԹՅԱՆ ՈՐԱԿՆ ԸՍՏ ՍՈՎՈՐՈՂՆԵՐԻ ՈՒՍՈՒՄՆԱՌՈՒԹՅԱՆ ԱՐԴՅՈՒՆՔՆԵՐԻ

Հանրակրթության և նախնական մասնագիտական կրթության ոլորտում հիմնական գերակայությունը որակի բարձրացումն է, որի նախապայմանն է ուսումնական հաստատությունների կողմից կրթական առաքելության գիտակցումը:

Կրթության որակը ներառում է բազմաթիվ բաղադրիչներ: Դրանցից առաջնահերթը ուսումնասիրության արդյունքներն են, որոնք պահանջված են սովորողների կողմից և ապահովում են շրջանավարտների պատրաստվածությունը՝ ուսումը շարունակելու կրթության հաջորդ մակարդակում:

Դպրոցը լուրջ և արդյունավետ աշխատանք է տանում ուսման որակը բարելավելու համար: 2023թ.-ին ունեցել ենք 20 /քսան/ գերազանցիկ, առարկաների տարեկան, միջին և քննական լավ գնահատականներ: Բուհեր ընդունվել են՝ 2021թ.-ին 4/չորս/ աշակերտ, 2022թ.-ին 5/հինգ/ աշակերտ, 2023թ.-ին 4/չորս/ աշակերտ:

Կրթության որակի բարձրացման գործողությունների շրջանակում կարևոր են հետևյալ հիմնական կետերը.

- կրթական չափորոշիչների և ծրագրերի բարելավում
- հանրակրթական ուսումնական հաստատությունների շենքային պայմանների բարելավում, ապահով և անվտանգ միջավայրի ստեղծում
- բարձր որակավորում և պատրաստվածություն ունեցող մանկավարժական անձնակազմի ապահովում, ովքեր տիրապետում և կիրառում են ժամանակակից դասավանդման մեթոդներ
- կրթական պաշարների և ուսումնական գրականության որակական բարելավում:

Որակյալ կրթություն ապահովելու համար դպրոցը տանում է հետևյալ աշխատանքները.

- սովորողի դաստիարակություն ազգային բարոյական նորմերով
- պետական չափորոշիչներին և ծրագրերին համապատասխան թեմատիկ պլաններ, գնահատման նոր ձևերի կիրառում և դրանց վերահսկումը մեթոդ միավորումների, ուսումնական գծով տեղակալի և տնօրենի կողմից:
- հսկողության սահմանում դասավանդման որակի, տնային հանձնարարությունների ծավալի, թեմատիկ գրավորների տրման ժամկետների և բովանդակության գործառնությունների կազմակերպման համար
- ԳԹԿ-ի կողմից արտաքին գնահատման անցկացում
- հաճախակի վերապատրաստումների միջոցով ապահովում է ուսուցիչների շարունակական մասնագիտական աճը
- խմբակների և նախագծային աշխատանքների ծրագրերի կազմում, կիրառում և կատարողականի վերահսկում
- ուսումնական ձեռնարկների նյութերի տրամադրում
- գործնական աշխատանքների խելամիտ կազմակերպում, մեթոդական զեկուցումների ընթերցում, փորձի փոխանակում:

ՈՒԺԵՂ ԿՈՂՄ	ԹՈՒՅԼ ԿՈՂՄ
<ul style="list-style-type: none"> . Գնահատման նոր ձևերի կիրառում . Հայտորոշիչ գրավորների անցկացում . Բաց դասերի և փոխադարձ դասալսումների կազմակերպում . Օլիմպիադաների մասնակցություն . Գիտելիքների ստուգման, ավարտական, պետական ավարտական, կենտրոնացված քննությունների արդյունքներ . Ամփոփիչ գնահատման արդյունքներ . Աշակերտների կողմից ՏՀՏ –ների վարժ տիրապետում 	<ul style="list-style-type: none"> . Լրացուցիչ կրթական ծրագրերի բացակայություն . Մասնագիտական կողմնորոշում . Մրցակցության բացակայություն . Ուսցիչների ոչ բավարար տիրապետումը ՏՀՏ-ներին

5Դպրոցի գործունեության յուրաքանչյուր ոլորտի նպատակներն ու խնդիրները , ծրագրի իրականացման ռիսկերը

ոլորտը	նպատակը	խնդիրները	ռիսկերը
--------	---------	-----------	---------

<p>Դպրոցի շենքային պայմաններն ու նյութատեխնիկական բազան</p>	<p>Իրականացնել մասնակի վերանորոգման աշխատանքներ՝ (միջանցքների, որոշ դասասենյակների, սանհանգույցի, սպորտդահլիճի, հանդիսությունների դահլիճի, գրադարանի) Թեքահարթակի կառուցում</p> <p>Գույքով և նյութատեխնիկական բազայով ապահովվածություն</p> <p>Բուֆետի շահագործում</p> <p>Ֆոտովոլտային արևային կայանի տեղադրում տանիքում</p>	<p>Դպրոցի շենքային պայմանների բարելավմանն ուղղված կապիտալ ծախսեր</p> <p>Նյութատեխնիկական բազայի և գույքի ձեռքբերում</p> <p>Վերանորոգում և համապատասխան գույքի ձեռքբերում</p> <p>Համակարգի ձեռք բերում և տեղադրում</p>	<p>Ֆինանսական ոչ բավարար միջոցներ</p> <p>Ըստ հզորության</p>
<p>Հաստատության գործունեությունը կարգավորող իրավական ակտեր, դրանց վարումը</p>	<p>Ներդպրոցական վերահսկողության աշխատանքների կանոնակարգում, պլանի կազմում, վերահսկում</p>	<p>Կանոնակարգել և վերահսկել կատարվող ՆՎԴ –ի աշխատանքները</p>	<p>Ինֆորմացիայի պակաս ՆՎԴ-ի պլանի կազմման վերաբերյալ</p>

<p>Հաստատության կառավարման և խորհրդակցական մարմինները</p>	<p>Կազմակերպել հանդիպումներ ծնողների հետ, ներգրավել ուսումնական գործընթացում</p> <p>Սերտ համագործակցություն և արդյունավետ գործունեություն կառավարման և խորհրդակցական մարմինների միջև (Կառավարման միացյալ, մանկավարժական, աշակերտական, հոգաբարձուների, ծնողական)</p>	<p>Ծնողների շահագրգռվածություն</p> <p>Անդամների պատրաստակամությունը և կազմակերպչական մոտեցումները</p>	<p>Ծնողների անտարբերություն</p> <p>Համագործակցելու պատրաստակամության բացակայություն</p>
<p>Աշակերտական համակազմը</p>	<p>Դպրոցի աշակերտների առաջադիմության և որակի բարձրացում</p> <p>Բարձր առաջադիմությամբ սովորողների թվաքանակի աճ</p> <p>Մասնագիտական կողմնորոշման ուղիների տրամադրում</p>	<p>Հրապուրիչ միջավայր և մրցակցային պայքար</p> <p>Խրախուսանքների և հոգեբանական աջակցության ապահովում</p> <p>Խորհրդատվական հանդիպումների կազմակերպում</p>	<p>Հեռանկարի բացակայություն</p> <p>Տվյալ խթանների բացակայություն և սովորողների տրամադրվածություն</p> <p>Սովորողների տրամադրվածություն</p>

<p>Մանկավարժական համակազմը</p>	<p>Նպաստել մանկավարժական աշխատողների զարգացմանը և ինքնակրթմանը, աջակցություն սկսնակ ուսուցիչներին</p> <p>Յուրաքանչյուր սովորողին կատամբ անհատական մանկավարժական աջակցության ցուցաբերում:</p> <p>SՀS գործիքներով աշխատելու կարողությունների բարելավում, Փորձի փոխանակման կազմակերպում</p>	<p>Մեթոդական նյութերի տրամադրում, խորհրդատվական սեմինարների, վերապատրաստումների կազմակերպում</p> <p>Մանկավարժների բարոյահոգեբանական մտածողության բարձրացում</p> <p>Կադրերի վերապատրաստում, փորձառու ուսուցիչների կողմից օրինակելի դասերի կազմակերպում, դասալսումների իրականացում</p>	<p>Ուսուցիչների շահագրգռվածության պակաս</p> <p>Մանկավարժների շահագրգռվածություն</p> <p>Մանկավարժների նախաձեռնության պակաս</p>
<p>Համագործակցությունը համայնքի, կրթության կառավարման մարմինների, շահառու կազմակերպությունների հետ</p>	<p>Համագործակցություն կրթական, մշակութային, սպորտային հաստատությունների հետ</p>	<p>Կազմակերպել և անցկացնել արտադպրոցական միջոցառումներ</p>	<p>Հաստատությունների կողմից համագործակցելու ցանկությունների բացակայություն</p>

<p>Ուսումնական միջավայր</p>	<p>Նյութատեխնիկական բազայի համալրում</p> <p>Առողջ ապրելակերպ խմբակի ձևավորում և սպորտի խթանում</p> <p>Արտակարգ և տեղեկատվական իրավիճակների իրազեկում և վարժանքների կազմակերպում</p> <p>Խնդիր ունեցող սովորողների վկայագրում և մանկավարժահոգեբանական աջակցության տրամադրում</p>	<p>Ձեռք բերել ժամանակակից տեխնիկա և գույք</p> <p>Սպորտային մրցումների մասնակցություն ֆինանսական աջակցություն</p> <p>Համապատասխան ուղղեցույցների կիրառում</p> <p>Ծնող- դպրոց համագործակցություն</p>	<p>Անբավարար ֆինանսական միջոցներ</p> <p>Ֆինանսական միջոցների պակաս</p> <p>Պասիվ նախատրամադրվածություն</p> <p>Պատրաստակամության բացակայություն</p>
<p>Կրթության որակն՝ ըստ սովորողների ուսումնառության և արդյունքների</p>	<p>Կրթության արդյունքների բարելավում, հմտությունների և կարողությունների զարգացում</p>	<p>Գիտելիքների և կարողությունների տրամադրում</p>	<p>Մեթոդների ոչ ճիշտ ընտրություն</p>

Նպատակների և խնդիրների համապատասխան գործողությունների կատարողները, ժամանակացույցը և հնարավոր ֆինանսական ծախսերը

Մահմանված նպատակների և խնդիրների համապատասխան գործողությունները	կատարողներ	Ժամանակացույց	Հնարավոր ֆինանսական ծախսը
Միջանցքների, որոշ դասասենյակների, սանհանգույցի, սպորտդահլիճի, հանդիսությունների դահլիճի, հանդերձարանների, գրադարանի մասնակի վերանորոգում	Տնօրեն, համակարգող, խորհրդակցական մարմիններ	2023- 2028թթ	Ըստ նախագծային հաշվարկի
Ֆոտովոլտային արևային կայանի տեղադրում	Տնօրեն, համակարգող, վարչատնտեսական մարմիններ	2023-2025թթ	Ըստ հզորության
Գույքի և նյութատեխնիկական բազայի ձեռք բերում	Տնօրեն, համակարգող, խորհրդակցական մարմիններ	2023-2026թթ	Ըստ պահանջարկի
Ներդրոցական վերահսկողական պլանի ստեղծում և կիրառում	Տնօրեն, ուս գծով տեղակալ, մեթոդափավորման նախագահներ	2023-2024	Չի պահանջվում
Առողջ ապրելակերպ խմբակի ձևավորում և սպորտմրցումների մասնակցություն	Տնօրեն, ուս գծով տեղակալ, ֆիզկուլտուրայի ուսուցիչ	2023-2024	Ըստ ժամաքանակի

<p>Խնդիր ունեցող երեխաների վկայագրում և մանկավարժահոգեբանական Աջակցություն, համապատասխան պայմանների ստեղծում</p>	<p>Տնօրեն, ուս գծով տեղակալ, դասղեկներ, խորհրդակցական մարմիններ</p>	<p>Յուրաքանչյուր ուստարվա ընթացքում</p>	<p>Չի պահանջվում</p>
<p>Մեթոդական նյութերի տրամադրում, խորհրդատվական սեմինարների, վերապատրաստումների կազմակերպում</p>	<p>Տնօրեն, վերապատրաստող կազմակերպություններ</p>	<p>Յուրաքանչյուր ուստարվա ընթացքում</p>	<p>Ըստ պահանջարկի</p>
<p>5- 12-րդ դասարաններում սննդի կազմակերպում</p> <p>Մասնագիտական կողմնորոշման իրազեկման սեմինարներ</p> <p>Փորձի փոխանակման և վարպետության դասեր փորձառու մանկավարժների կողմից</p> <p>Կրթության արդյունքների բարելավում, հմտությունների և կարողությունների զարգացում</p>	<p>Տնօրեն</p> <p>Դասղեկներ, ԴԱԿ</p> <p>Տնօրեն, ուս գծով տեղակալ, մեթոդմիավորումներ</p> <p>Տնօրեն, ուս գծով տեղակալ, մեթոդմիավորումներ, մանկավարժական համակազմ</p>	<p>2023-2025թթ</p> <p>Յուրաքանչյուր ուս տարվա ընթացքում</p> <p>Յուրաքանչյուր ուս տարվա ընթացքում</p> <p>Յուրաքանչյուր ուս տարվա ընթացքում</p>	<p>Ըստ շահառուների թվի</p> <p>Չի պահանջվում</p> <p>Չի պահանջվում</p> <p>Չի պահանջվում</p>

Ծրագրի գնահատման չափանիշները, վերահսկողությունը

Դպրոցի զարգացման ծրագրի գնահատումը ծրագրի գործողություններով պլանավորած և իրականացված արդյունքների համեմատական գործընթաց է:

Համաձայն հանրակրթության մասին ՀՀ օրենքի դպրոցի զարգացման ծրագրի իրականացման վերահսկողությունը դպրոցի կառավարման խորհրդի գործառույթն է:

Դպրոցի ամենամյա աշխատանքային պլանը կազմվում է ըստ հնգամյա զարգացման ծրագրի:

Ծրագրում կատարված փոփոխությունները ներկայացվում են դպրոցի կառավարման խորհրդի հավանությանը:

Տարեկան աշխատանքային պլանով նախատեսված նպատակներն ու խնդիրներն սահմանվում են ըստ անելիքների առաջնահերթության:

Ծրագիրը մշտադիտարկվում և քննարկվում է մանկավարժական խորհրդի և ծնողական խորհրդի կողմից:

Ծրագրի իրատեսությունը և նրա արդյունավետության վերաբերյալ վերլուծությունները դրվում են խորհրդակցական մարմինների քննարկմանը:

Աշխատանքների իրականացման վերահսկողությունը իրականացվում է դպրոցի կառավարման, մանկավարժական և ծնողական խորհուրդների կողմից:

Հաստատության հաշվետվությունները հասանելի են լինում հաստատության շահառուներին՝ պետական լիազորված մարմիններ, դպրոցի աշխատակազմ, սովորողներ, համայնք:

Դպրոցի կայքէջը և Facebook-յան էջը լիարժեք ծառայում են իբրև իրազեկման , համագործակցության և լուսաբանման հարթակներ:

<<Հանրակրթության մասին >> օրենքով նախատեսված է դպրոցի գործունեության գնահատման մեխանիզմը:

Ուսումնական հաստատության գործունեությանը տրվում է ներքին և արտաքին գնահատական: Ներքին գնահատումը դպրոցի կողմից իր գործունեության վերլուծությունն է: Ներքին գնահատման մասնակիցներն են՝ վարչական, մանկավարժական աշխատողները, սովորողներն ու ծնողները:

Արտաքին գնահատումը իրականացվում է դպրոցից դուրս գործող համապատասխան կազմակերպությունների և կառույցների

կողմից: Անհրաժեշտության դեպքում կատարվում են փոփոխություններ, տրվում լուծումներ:

Ակնկալվող արդյունքներ

1. Մրցունակ և որակյալ կրթական միջավայր
2. Վերանորոգված և արդի նյութատեխնիկական բազայով հագեցած առաջադեմ դպրոց
3. Հմուտ և նորարար մասնագետներ, փորձառու մանկավարժական համակազմ
4. Սոցիալ-մշակութային կենտրոն հանդիսացող դպրոց
5. Ժողովրդավարական սկզբունքներին համապատասխան ԱԽ և ԾԽ գործունեություն
6. ՏՀՏ միջոցների լիարժեք ներդրում և կիրառում դասապրոցեսում
7. Աշակերտների թվի աճ, ԲՈՒՀ –եր ընդունվողների բարձր ցուցանիշ
8. Համայնքի առանձնահատկություններին և սովորողների նախասիրություններին համապատասխան միջավայր
9. Ապագա մասնագիտության ճիշտ կողմնորոշում և ընտրություն
10. Սովորողների ակտիվ ներգրավվածությունը առարկայական օլիմպիադաներում և մրցույթներում
11. 21-րդ դարի դինամիկ փոփոխություններին համարժեք կարողունակ քաղաքացի

ԵԶՐԱՓԱԿՈՒՄ

2023_ 2028թթ դպրոցի զարգացման ծրագրում տեղ գտած բոլոր դրույթներն իրատեսական են, իրագործելի, վերջնարդյունքները՝ չափելի: Այն ապահովելու է անցած տարիներին կատարված աշխատանքների տրամաբանական շարունակությունը: